

منتشاق



بتمني يوم أصبح واطير
وادوبي فوق وسط القماري
أحيا واعيـش بين الطيور
أغدو وأروح من غير حصارِ
يا قمري لحظه اتسني لي
أنزل عشان أحكيك خياري
أو حتي لو في الجو تقيف
بس المهم تسمع خباري

فتشت ليك طول الزمن
داير أوصيك لي دياري

أوصل رسالةً لي أبوي
تلقاهُ في ضلِّ العصاري
ويمه واخواني الصغار
رافق معاك طيرَ الخُداري
تمشي وتحوم فوق البيوت
غنيٌّ ولحنٌ أشعاري

واحلفُ بأشواقي الدفوق
ونهرِ دمعي الديمه جاري
قول ليهم مشتاق (للمدي)
(تأنقي) و(كشوك) مع (الجرّاري)
و(فَرْنَقِيَّه) و(أم رِدم)
(جَكْتَك) بريدو و(ام تُنقاري)
و(امقَرْدُو) في عزِّ الدَّرْتِ
(نُقّاره) داوِيه ليلي ونهاري

حسابكم يا طير البلد
زوروني في حتّة وداري
محتاج إليك أنا يا بلوم
تزيّن أزھاري وخضاري
وتطرب بالهديل بيتنا
وتقلل سهد أسھاري
وتشيل أشواقي لي زولاً
دوام أفشيه أسراري
مني السلام يا قمري قوم
وديهو لي أهلي وجياري
